



Inatsisartuni ilaasortaq  
Kelly Berthelsen, Inuit Ataqtigiit  
/Maani

## **Pinngortitami ikuallannerit pillugit § 37 naapertorlugu apeqquteqaat nr. 2017-201-imut akissut**

Brev dato: 25-08-2017  
Sagsnr.2017-18729  
Akt. nr. 5972881

Asasara Kelly Berthelsen

Postboks 1614  
3900 Nuuk  
Tlf. (+299) 34 50 00  
Fax (+299) 34 54 10  
E-mail: pan@nanoq.gl  
www.naalakkersuisut.gl

15. august 2017-imi pinngortitami ikuallannerit pillugit Inatsisartut suleriaasianni § 37, imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuun-neqarsimapput.

### **1. Nunami ikuallannersuaqarnerani kommunit atortutigut sulisutigullu qanoq piareersimatiginersut, Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersup atuutilernerata kingunerisaanik, Naalakkersuisunik mannamut pineqartunut ilisimasaat nalunaarsorneqarsimappat?**

Akissut: Kommunit annaassiniarnernut upalungaarsimasunik pilersitsisussaapput, taakkulu ajutoortoqarnerani ajunaarnersuaqarneranilu, imaluunniit tamatuma pinissaanut annertuumik ulorianartorsiortoqartillugu inunnik, pigisanik avatangiisinillu ajoqusertoqarnissaanik pinaveersaartitsisussaapput, killilersuisussaapput ikiuuttussaallutillu. Annaassiniarnernut upalungaarsimasut kommunalbestyrelsip ataanipput. Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq naapertorlugu Naalakkersuisut annaassiniarnernut upalungaarsimasunut nakkutilliisussaapput. Pinngortitami qatserinermi suliniutaasinnaasunut akiliutit kommunip akiligassarai, taamatullu kommuni pinngortitami qatserinissaq pisariaqarnerseq naliliiffiginiarlugu aalajangiiniartussaavoq.

### **2. Nunami ikuallannersuaqarneranut aningaasatigut nuna tamakkerlugu immikkut piareersimasoqarpa?**

Akissut: Annaassiniarnernut upalungaarsimanermut aningaasanik illuartitsinissaq kommunalbestyrelsip pisussaaffigaa, taakkunungalu pinngortitami ikuallannernik akiuiniarneq ilaatinneqarpoq.

Kisiannili Naalackersuisut ajunaarnersuaqartoqarnerani, inuit inuunerannut inuiaqatigiinnilu pigisanut nalilinnut annertuunut qulakkeeriniarluni sulinasuarnissaq pisariaqartillugu isumalluutinik immikkut ittunik atugassiinissamut periarfissaqarput.

- 3. Ukiuni kingullerni nunap panerneranik pinngortitami ilaatigut piniariartarfiusuni ikuallannerit annertusiartorlutillu akulikilliarporput . Tamannalu ilaatigut kommuunit ilaani qatseriniarneq imermik assartuinissaq qanittumilu erngup aqqutaanik maqitsiviusinnaasumik pilersitsisoqarsimannginnera patsisigalugu qatserigasuartoqarsinnaanani. Tamanna siunissami sillimaffiginiarlugu Naalackersuisut kommuunit peqatigalugit avinngarusimasunik qatserinissamut erngup aqqutaani qatserinermi imermik maqitsivissat pilersiortoqarnissaanut ikiutissallutik pilersaaruteqarpat?**

Akissut: Naalackersuisut pinngortitami ikuallattoqarnera eqqumaffigaat ineriartornerannullu malinnaallutik. Upalungaarsimanermi atortunik pisiniartarneq aserfallatsaaliuinerlu kommunalbestyrelsip ataaniipput.

- 4. Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersumi tunngavigalugu Naalackersuisut immikkut ittunik maleruagassanik suliaqarnissaminnut pilersaarusiorsinnaappat?**

Akissut: Kommunit ataasiakkaat isumalluutinik, ulluinnarni annaassiniarnernut upalungaarsimanermut atugassanik tulleriiarinissamut akisussaasuupput. Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaanni nr. 14-imi, 26. maj 2010-meersumi kapitali 4-mi annaassiniarnernut upalungaarsimasut sulilersinneqartarnerat allaaserineqarpoq. Maannarpiaq pinngortitami ikuallannernik isumaginninnissamut tunngatillugu maleruagassanik allannguinnissaq suliaqarnissarluunniit pilersaarutigineqanngilaq.

Inussiarnersumik inuulluaqqusillunga

Kim Kielsen